



ТАТВАРЫН ЕРӨНХИЙ ГАЗРЫН
ДАРГЫН ТУШААЛ

___ оны __ сарын __ өдөр

Дугаар ___

Улаанбаатар хот

Журам батлах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.3.2, Татварын ерөнхий хуулийн 53 дугаар зүйлийн 53.10, 77 дугаар зүйлийн 77.7.3 дахь заалтыг тус тус үндэслэн ТУШААХ нь:

1. Татварын өр төлөх хугацааг хөнгөлөх журмыг 1 дүгээр, татвар төлөх хугацааны хөнгөлөлт эдлэх хүсэлтийн маягт /ТТ-01/-ын загварыг 2 дугаар, татвар төлөх хугацааны хөнгөлөлтийг сунгах хүсэлтийн маягт /ТТ-02/-ын загварыг 3 дугаар хавсралтаар тус тус баталсугай.

2. Энэ журмыг 2020 оны 01 дүгээр сарын 01-ний өдрөөс эхлэн үйл ажиллагаандаа мөрдөж ажиллахыг харьяа татварын албаны дарга нарт даалгасугай.

3. Тушаалын хэрэгжилтэд хяналт тавьж ажиллахыг Татварын орлогын газар /Д.Цогтжаргал/-т даалгасугай.

ДАРГЫН АЛБАН ҮҮРГИЙГ ТҮР
ОРЛОН ГҮЙЦЭТГЭГЧ БӨГӨӨД
ДЭД ДАРГА

Б.ЗАЯАБАЛ

ТАТВАРЫН ӨР ТӨЛӨХ ХУГАЦААГ ХӨНГӨЛӨХ ЖУРАМ

Нэг.Нийтлэг үндэслэл

1.1.Татварын ерөнхий хуулийн 53 дугаар зүйлд заасан татварын өр төлөх хугацааны хөнгөлөлттэй /цаашид “хугацааны хөнгөлөлт” гэх/ холбоотой харилцааг зохицуулахад энэ журмыг мөрдөнө.

1.2.Хугацааны хөнгөлөлт үзүүлэхдээ дараах зарчмыг баримтална:

1.2.1.татвар төлөгчийн татварын өрийн дүн нь 10.0 сая төгрөгөөс доош, эсхүл хөнгөлөх хугацаа нь 3 сар хүртэлх татварын өрд барьцаа хөрөнгө шаардахгүй;

1.2.2.энэ журмын 1.2.1-д зааснаас бусад тохиолдолд алдангийн хэмжээг оруулсан дүнгээс багагүй хэмжээний барьцаа хөрөнгийг шаардана;

1.2.3.Татварын ерөнхий хуулийн 53.3.2, 53.3.3, 53.3.4-т заасныг хэрэгжүүлнэ.

1.3.Хугацааны хөнгөлөлт үргэлжлэх хугацааг тогтоохдоо татвар төлөгчийн хөрөнгийг үнэлж татварын өрийг бүрэн барагдуулах Татварын ерөнхий хуулийн 53.1, 53.2 дахь хэсэгт заасан хамгийн бага хугацаагаар тогтооно.

Хоёр.Хугацааны хөнгөлөлт үзүүлэх нөхцөл

2.1.Татварын ерөнхий хуулийн 53 дугаар зүйлийн 53.1.1, 53.1.2, 53.1.3, 53.1.4-т заасан хүндэтгэн үзэх нөхцөл үүсч татварын өрийг төлөх боломжгүй болох нь тогтоогдсон бол татвар төлөгч хүсэлтийг бичгээр татварын албанд гаргана. Бичгээр гаргасан хүсэлтэд татварын өрийн хэмжээтэй дүйцэх барьцаа хөрөнгө, эсхүл батлан даагчийн гэрээг хавсаргана.

2.2.Татварын ерөнхий хуулийн 53 дугаар зүйлийн 53.1.3-т заасан “татвар төлөгч эрхэлж буй үйл ажиллагаагаа зогсоосон” гэдгийг Компанийн тухай хуулийн 19, 20, 21 дүгээр зүйлд заасныг ойлгоно.

2.3.Татварын ерөнхий хуулийн 53 дугаар зүйлийн 53.1.4-т заасныг татвар төлөгчийн үйл ажиллагаанд гурван жил дараалан их хэмжээний алдагдал хүлээсэн, төлбөрийн чадвар муудаж татварын өрийг хуульд заасан хугацаанд бүрэн төлж барагдуулах боломжгүй нөхцөл үүссэнийг хэлнэ.

Гурав.Татвар төлөх хугацааны хөнгөлөлт эдлэх хүсэлт гаргах

3.1.Татвар төлөгч нь энэ журмын 2.1-д заасан хугацааны хөнгөлөлт эдлэх тухайгаа “Татвар төлөх хугацааны хөнгөлөлт эдлэх хүсэлт /ТТ-01/ маягт”-аар харьяалагдах татварын албанд гаргана.

3.2.Татвар төлөгчийн гаргасан хүсэлтэд хугацааны хөнгөлөлт эдлэх нөхцөл байдлыг нотлоход дор дурдсан бичиг, баримтыг хавсаргана:

3.2.1.Гамшгаас хамгаалах тухай хуульд заасны дагуу хохирол учирсан болохыг нотолсон акт;

3.2.2.татвар төлөгч хувь хүний эмчилгээ хийлгэсэн магадлан итгэмжлэгдсэн эмнэлгийн магадлагаа, эмчилгээний зардлын баримт;

3.2.3.татвар төлөгчийн үйл ажиллагааг зогсоосон тухай шийдвэр, бүртгэх байгууллагын тодорхойлолт, бусад холбогдох баримт бичиг;

3.2.4.тухайн татварын жилийн өмнөх дараалсан 3 жилийн санхүүгийн болон татварын тайлан;

3.2.5.хөрөнгийн жагсаалт, татвар төлөгчийн төлбөрийн чадварыг харуулсан тооцоо, тодорхойлолт;

3.2.6.үл хөдлөх эд хөрөнгө нь дундын өмчлөл байгаа тохиолдолд бусад өмчлөгчийн нотариатаар гэрчлүүлсэн зөвшөөрөл;

3.2.7.хөнгөлөлтийн хугацаанд татварын өр төлөх хуваарь;

3.3.Татвар төлөгч нь Татварын ерөнхий хуулийн 53 дугаар зүйлийн 53.3.1-д заасны дагуу барьцаа хөрөнгө шаардлагатай болон мөн хуулийн 53.3.3-т заасны дагуу бусад этгээдийн батлан даалт ашиглах бол хугацааны хөнгөлөлт эдлэх хүсэлт, түүнийг нотолсон дараах баримтуудын аль нэгийг хавсаргана:

3.3.1.барьцааны гэрээ, барьцааны зүйлийн тодорхойлолт, чанар, үнэ, хаяг байршилтай холбоотой бичиг, баримт болон хөрөнгийн даатгалын гэрээ;

3.3.2.батлан даагчийн батлан даалтын гэрээ;

3.3.3.гуравдагч этгээдийн эзэмшлийн хөрөнгийг барьцаалах бол тухайн гуравдагч этгээдийн зөвшөөрлийг тусгасан барьцааны гэрээ;

3.3.4.аж ахуйн нэгжийн өмчлөлийн хөрөнгийг барьцаалах бол хуулийн этгээдийг төлөөлөх эрх бүхий этгээдийн зөвшөөрлийг тусгасан бичиг баримт;

3.3.5.хөрөнгийн үнэлгээний тайлан.

3.4.Татвар төлөгчийн бичгээр гаргасан хүсэлтийг ирүүлсэн баримтын хамт хянан үзэж үндэслэлтэй бол татварын өр төлөх хугацааны хөнгөлөлтийг тухайн татварын албаны даргын шийдвэрээр үзүүлж болно.

Дөрөв.Хугацааны хөнгөлөлт эдлэх хүсэлтийг хүлээж авах, зөвшөөрөх, хэрэгжүүлэх

4.1.Татвар төлөгчөөс хугацааны хөнгөлөлт эдлэхээр ирүүлсэн хүсэлтийг ажлын 10 хоногийн дотор энэ журмын 3.2, 3.3-т заасан баримт бичгийн бүрдлийг нягталж, зөвшөөрөх, эс зөвшөөрөх шийдвэрийг харьяалах татварын албаны даргын томилсон татварын улсын байцаагч бичгэн хэлбэрээр гаргана.

4.2.Татвар төлөгчөөс гаргасан хүсэлтийн агуулга бүрэн бус, хавсаргасан бичиг баримтын бүрдэл дутуугаас зохих шийдвэр гаргахад хүндрэлтэй бол татвар төлөгчөөр дахин хүсэлт гаргуулна.

4.3.Татварын улсын байцаагч энэ журмын 4.1-д заасан баримт бичгийн бүрдүүлбэрийг дараах байдлаар нягтална:

4.3.1.хөнгөлөлт эдлэх үндэслэл байгаа эсэхийг тогтоох;

4.3.2.гамшигтай холбоотойгоор гаргасан зардал, эсхүл хүлээсэн хохирол болон санхүүгийн тайлангийн алдагдлын хэмжээ үнэн зөв эсэхийг нягтлах;

4.3.3.татвар төлөгчийн хөрөнгө, өр төлбөрийн хэмжээ, татварын өрийг төлөхтэй холбоотой нөхцөлийг тодорхойлох;

4.3.4.татвар төлөгчийн хөрөнгө, хөрөнгө оруулалт, авлага, өр, төлбөр, аж ахуйн үйл ажиллагааны санхүүгийн эх үүсвэр, орлого, зардал, нягтлан бодох бүртгэлийн олон улсын стандартаар тогтоосон бусад зүйл, цахим төлбөрийн баримтыг нягтлах;

4.3.5.Хугацааны хөнгөлөлт эдлэх хүсэлт ирүүлсэн татвар төлөгчийн одоогийн болон ирээдүйд бий болох төлбөрийн чадвар, эсхүл хөнгөлөлт эдэлсний дараах санхүүгийн байдал, хугацааны хөнгөлөлтөд хамаарах татварын өрийн хэмжээ, хөнгөлөлтийн хугацаанд татварын өрийг хуваан төлөх хэмжээ, хугацааны хөнгөлөлтийг тооцоолох болон хугацааны хөнгөлөлтийг цаашид үргэлжлүүлэх эсэхийг шийдвэрлэх зорилгоор татварын албанаас тухайн үеийн төлбөрийн чадварын судалгааг хийх.

4.4.Энэ журмын 4.1-д заасан шийдвэрийг үндэслэн татварын албаны дарга өр төлөх хугацааны хөнгөлөлт үзүүлэх хугацаа болон татварын өр төлөх хуваарийг баталсан

шийдвэр гарган татвар төлөгч, барьцааны хөрөнгийг эзэмшигч, батлан даагч болон холбогдох бусад этгээдэд хүргүүлнэ.

4.5.Татварын өр төлөх хугацааг Татварын ерөнхий хуулийн 53 дугаар зүйлийн 53.2-т заасан жилээр хязгаарлах ба татвар төлөгчийн төлбөрийн чадвар болон бусад нөхцөл байдлыг харгалзан, хугацааны хөнгөлөлтөд хамаарах татварын өрийг бүрэн барагдуулах боломжтой гэж үзсэн хамгийн богино хугацаагаар тогтооно.

4.6.Татвар төлөгч хугацааны хөнгөлөлтөд хамаарах татварын өрийн дүнг өөрчлөх, эсхүл өмнө нь хөнгөлөлт эдэлж буй татварын өрд нэгтгэн тооцох, хугацааны хөнгөлөлтөд хамруулж болно.

4.7.Татвар төлөгч Татварын ерөнхий хуулийн 53 дугаар зүйлийн 53.3.1, 53.3.3-т заасан хөрөнгө барьцаалах болон батлан даахтай холбоотой асуудлыг Иргэний хууль, Үл хөдлөх эд хөрөнгийн барьцааны тухай хуулийг баримтлан хэрэгжүүлнэ.

4.8.Хугацааны хөнгөлөлтийн барьцааг аль болох мөнгөн хэлбэрт шилжүүлэхэд хялбар, үнийн хэлбэлзэл бага байх хөрөнгөөс эхлэн барьцаална. Барьцааны зүйл нь татварын өрийг бүрэн барагдуулах, мөн барьцааг борлуулахад шаардагдах зардалд хангалттай хүрэлцэхүйц үнэ цэнэтэй байвал зохино.

4.9.Дараах тохиолдолд хөрөнгө барьцаалах, батлан даалт ашиглах талаарх татвар төлөгчийн саналыг хүлээж авахгүй:

4.9.1.барьцаалах хөрөнгийн үнийн санал нь татварын өрийг барагдуулах болон хөрөнгө барьцаалахтай холбогдон гарч болох зардлуудыг нөхөхөд хүрэлцэхгүй байх;

4.9.2.хөрөнгийг барьцаанд авснаар татвар төлөгч бизнесийн үйл ажиллагаагаа хэвийн явуулах, эсхүл амьжиргааны нэн тэргүүний хэрэгцээг хангахад нь саад учруулахаар байх;

4.9.3.барьцаалах хөрөнгө болон батлан даагчийн хөрөнгө нь хугацааны хөнгөлөлт эдлэх хугацаанд эрх бүхий байгууллагад албан журмын даатгалд даатгалгүй байх.

4.10.Барьцааг доорх нөхцөлийн аль нэгд хамаарах тохиолдолд цуцална:

4.10.1.хугацааны хөнгөлөлтөд хамаарах татварын өрийг бүхэлд нь барагдуулсан;

4.10.2.барьцааны зүйлийг өөрчлөн өөр хөрөнгө барьцаалсан;

4.10.3.хугацааны хөнгөлөлтөд хамаарах татварын өр нь бусад төрлийн татварын илүү төлөлтөөр суутган тооцогдсон.

4.11.Барьцаа зүйлийг шаардлагатай тохиолдолд татварын өр хураах үйл ажиллагааны дагуу битүүмжилнэ. Тухайн хөрөнгө гуравдагч этгээдэд хамаарах бол өртэй татвар төлөгчийн нэгэн адил өр хураах үйл ажиллагааг хэрэгжүүлнэ.

4.12.Энэ журмын 3.1-д заасны дагуу татвар төлөгчийн гаргасан хүсэлт нь Татварын ерөнхий хууль, холбогдох бусад хууль тогтоомж болон энэхүү журмын шаардлагад нийцээгүй бол харьяалах татварын алба хугацааны хөнгөлөлт үзүүлэхгүй.

Тав.Хугацааны хөнгөлөлтийг цуцлах

5.1.Хугацааны хөнгөлөлтийг хэрэгжүүлэх явцад өр төлөгдөхгүй байх нөхцөл үүссэн үед харьяалах татварын албаны даргын шийдвэрээр хугацааны хөнгөлөлтийг цуцалж, татвар төлөх хуваарьт өөрчлөлт оруулж болно:

5.1.1.татвар төлөгчийн болон батлан даагчийн төлбөрийн чадвар муудаж, татварын өрийг хугацааны хөнгөлөлт дуусахаас өмнө урьдчилж төлүүлэх нөхцөл үүссэн;

5.1.2.татвар төлөгч татварын өрийг хуваарийн дагуу төлөөгүй;

5.1.3.татвар төлөгчөөс барьцаалсан болон батлан даагчийн батлан даалтад ашигласан хөрөнгийн үнэ татварын өрийг төлөхөд хүрэлцэхгүй болж буурсан үед

татварын албанаас барьцаа хөрөнгө нэмэх, өөрчлөх талаар татвар төлөгчид хүргүүлсэн мэдэгдлийг биелүүлээгүй, барьцааны зүйлийг өөрчлөхийг зөвшөөрөөгүй;

5.1.4.хугацааны хөнгөлөлтөд хамаарах татварын өрөөс гадна шинээр өр үүссэн;

5.1.5.хугацааны хөнгөлөлт, түүнийг сунгах хүсэлт, эсхүл хавсралт бичиг баримтад дараах мэдээллийг үнэн зөв тусгаагүй нь тогтоогдсон:

5.1.5.1.хөнгөлөлтөд хамрагдах шалтгаан нөхцөл үүсээгүй байхад хүсэлт гаргах;

5.1.5.2.хөрөнгөө санаатайгаар бичихгүй, эсхүл байхгүй зүйлийг байгаа мэтээр бичих;

5.1.5.3.орлого, зардлаа бодит байдлаас бууруулах, өсгөх.

5.1.6.хугацааны хөнгөлөлтөд хамаарч буй татварын өрөө татвар төлөгч бүрэн төлсөн байх;

5.1.7.Татварын ерөнхий хуулийн 54.1.1, 54.1.2, 54.1.3, 54.1.4-т заасан заасан нөхцөл байдлын аль нэг нь үүссэн тохиолдолд хугацааны хөнгөлөлтийг цуцалж, барьцааны зүйлээс татварын өрийг гаргуулна.

5.2.Энэ журмын 5.1.1, 5.1.2, 5.1.3, 5.1.4, 5.1.5-д заасан нөхцөл байдал үүсэж, хугацааны хөнгөлөлт цуцлах талаар татвар төлөгчид ажлын 3 өдрийн дотор мэдэгдсэнээс хойш 10 хоногийн дотор тайлбар гаргаагүй бол харьяалах татварын албаны даргын шийдвэрээр хугацааны хөнгөлөлтийг цуцална.

5.3.Хугацааны хөнгөлөлтийг цуцалсан талаар татварын албаны даргын шийдвэрийг өртэй татвар төлөгч, батлан даагч, татвар төлөх үүрэг бүхий хоёрдогч этгээдэд ажлын 10 өдрийн дотор мэдэгдэнэ.

5.4.Татвар төлөгчийн гаргасан тайлбарыг татварын алба хүлээн авах үндэслэлтэй гэж үзвэл хөнгөлөлтийн хугацааг өөрчлөх талаар татвар төлөгчтэй зөвшилцөн, харьяалах татварын албаны дарга шийдвэр гарган энэ тухайгаа ажлын 3 өдрийн дотор татвар төлөгчид мэдэгдэнэ.

Зургаа.Хугацааны хөнгөлөлтийг сунгах болон татварын өр төлөх хуваарийг өөрчлөх

6.1.Татварын ерөнхий хуулийн 53 дугаар зүйлийн 53.2-т заасны дагуу татвар төлөгчийн хүсэлтийг үндэслэн харьяалах татварын алба татвар төлөх хугацааг сунгаж болно. Татвар төлөгч "Татвар төлөх хугацааны хөнгөлөлтийг сунгах хүсэлт /Маягт ТТ-02/"-ийг татварын албанд ирүүлнэ.

6.2.Хугацааны хөнгөлөлтийг сунгах хүсэлтэд хүндэтгэн үзэх нөхцөл байдлыг нотолсон бичиг баримт, татварын өр төлөх хуваарьт өөрчлөлт оруулах саналыг хавсаргасан байна.

6.3.Татвар төлөгчөөс энэ журмын 6.1-д заасны дагуу гаргасан хүсэлтийг татварын алба шалган хугацааны хөнгөлөлтийн хугацааг сунгах болон татварын өр төлөх хуваарьт өөрчлөлт оруулах шийдвэр гаргана.

6.4.Татварын өр төлөх хуваарьт өөрчлөлт оруулахдаа татвар төлөгчийн хөрөнгийн байдал болон төлбөрийн чадвараас хамаарч татварын алба татварын өрийг төлөх хугацаа, төлөх татварын хэмжээг тогтооно.

6.5.Татварын алба энэ журмын 6.1-д заасан сунгах хүсэлтийг хүлээн авахаас татгалзсан тухай шийдвэрийг татвар төлөгчид мэдэгдэнэ.

/2019.08.18-ны өдөр/

Татварын ерөнхий газрын даргын
... оны ... сарын ... өдрийн ... дугаар
тушаалын ... дүгээр хавсралт



Монголын Татварын Алба

Маягт

ТАТВАР ТӨЛӨХ ХУГАЦААНЫ ХӨНГӨЛӨЛТ ЭДЛЭХ ХҮСЭЛТ

A. Татвар төлөгчийн талаарх мэдээлэл

1. ТТД: | | | | | | | | | | | | |

2. Нэр: _____

3. Татвар төлөгчийн одоогийн хаяг:

Аймаг, хот:

Сүм, дүүрэг:

Баг, хороо:

Гудамж, хороолол:

Байшин:

Эрхлэх үндсэн үйл ажиллагаа:

Утас:

Факс:

Шүүдэнгийн хайрцаг:

Цахим хаяг:

Хашаа хаалга:

Б. Татвар төлөх хугацааны хөнгөлөлтөд хамруулах өрийн талаарх мэдээлэл

/сая төгрөг/

Татварын төрөл	Өр үүссэн огноо	Татварын өрийн дүн	Үүнээс				Тэмдэглэл
			татвар	торгуул	алданги	хүү	
Нийт дүн							
Дээрх дүнгээс хугацааны хөнгөлөлтөд хамруулах дүн							

В. Татвар төлөх хугацааны хөнгөлөлтөд хамрах үндэслэл

1. Байгалийн гамшиг болон үед, газар хөдлөлт, гал түймрийн хохирлын мэдээлэл

/сая төгрөг/

Хохиролын өмнөх нийт хөрөнгө		Байгалийн гамшигт өртсөн хөрөнгийн				Хохирлын хувь /6/2/	Тэмдэглэл
Төрөл	Үнэ	Хохирлын түвшин	Хохирлын мөнгөн дүн	Хохирлыг даатгалаар нөхөн төлөгдөх дүн	Бодитоор учирсан хохиролын мөнгөн дүн		
1	2	3	4	5	6=4-5	7=6/2	8
Хугацааны хөнгөлөлтөд хамруулах дүн							



2.Эмчилгээний зардлын мэдээлэл

/сая төгрөг/

Эмчилгээ хийлгэсэн татвар төлөгчийн овог, нэр	Эмчилгээ хийлгэсэн улс, эмнэлэгийн нэр, хаяг	Өвчний онош, уг оношлоог хийсэн эмчийн овог, нэр, эмнэлгийн нэр, хаяг	Хийлгэсэн эмчилгээ	Эмчилгээний зардал
Хугацааны хөнгөлөлтөд хамруулах дүн				

3. Татвар төлөгч эрхэлж буй үйл ажиллагаагаа зогсоосон мэдээлэл

Үйл ажиллагааг				Тэмдэглэл
Зогсоосон байдал		Зогсоох үндэслэл	Зогсоох шийдвэр гаргасан этгээдийн нэр, хаяг, шийдвэрийн огноо, дугаар	
бүхэлд нь	хэсэгчлэн			

4. Татвар төлөгчийн үйл ажиллагааны алдагдлын мэдээлэл

/сая төгрөг/

Он	Алдагдлын хэмжээ			
	Санхүүгийн тайлангаар	Татварын тайлангаар		
Хугацааны хөнгөлөлтөд хамруулах дүн				

Г. Татвар төлөх хугацааны хөнгөлөлтөд хамруулах хөрөнгийн дүн, хөнгөлөлтийг эхлүүлэх огноо болон татварын өр төлөх хуваарийн санал

Хугацааны хөнгөлөлт эхлүүлэх	Огноо		Төлбөр хийх хуваарь				
	Үндэслэл		 огноо	 огноо	 огноо	 огноо	 огноо
Хугацааны хөнгөлөлтөд хамруулах өрийн хэмжээ, төгрөгөөр			... төгрөг	... төгрөг	... төгрөг	... төгрөг	... төгрөг

Д. Барьцаалах хөрөнгийн мэдээлэл

Барьцаанд тавих хөрөнгийн					тэмдэглэл
Нэр төрөл	үнэлгээ	Байршил, хаяг	Эзэмшигчийн нэр, хаяг	Даатгалын гэрээний огноо, дугаар	



Е. Хавсаргасан бичиг баримтын жагсаалт

1.
2.

Хүсэлт гаргасан:

Дарга /Захирал/: /
 Ерөнхий /ахлах/ нягтлан бодогч: /
 Татварын итгэмжлэгдсэн зөвлөх: /

Огноо

Татварын албаны тэмдэглэл

Хүсэлтийг хүлээж авсан			Тэмдэглэл
Татварын албаны нэр	Албан тушаалтны овог, нэр	огноо	



/2019.08.18-ны өдөр/

Татварын ерөнхий газрын даргын
... оны ... сарын ... өдрийн ... дугаар
тушаалын ... дүгээр хавсралт



Монголын Татварын Алба

Маягт

ТАТВАР ТӨЛӨХ ХУГАЦААНЫ ХӨНГӨЛӨЛТИЙГ СУНГАХ ХҮСЭЛТ

..... татварын албанд

1. ТТД:

2. Нэр:

3. Татвар төлөгчийн одоогийн хаяг:
Аймаг, хот:
Сум, дүүрэг:
Баг, хороо:
Гудамж, хороолол:
Байшин:
Эрхлэх үндсэн үйл ажиллагаа:

Утас:

Факс:

Шуудангийн хайрцаг:

Цахим хаяг:

Хашаа хаалга:

Б. Татвар төлөх хугацааны хөнгөлөлтийн сунгалтад хамруулах татварын өрийн мэдээлэл

/саятөгрөг/

Татварын төрөл	Өмнөх хөнгөлөлтөд хамрагдсан дүн	Өмнөх хөнгөлөлтийн хугацаанд төлөөгүй үлдсэн татварын өрийн дүн	Үүнээс				тэмдэглэл
			татвар	торгуул	алданги	хүү	
Нийт дүн							
Дээрх дүнгээс хугацааны хөнгөлөлтийн сугалтад хамруулах дүн							
Өмнөх хөнгөлөлтийн хугацаанд өрөө төлж чадахгүй болсон шалтгаан							

В. Татвар төлөх хугацааны сунгалтад хамруулах татварын өрийн дүн, хөнгөлөлтийг эхлүүлэх огноо болон татварын өр төлөх хуваарийн санал

Хугацааны хөнгөлөлтийн сунгалтыг эхлүүлэх	Огноо		Төлбөр хийх хуваарь				
	Үндэслэл		 огноо	 огноо	 огноо	 огноо	 огноо
Хугацааны хөнгөлөлтийн сунгалтад хамруулах өрийн хэмжээ, төгрөгөөр			... төгрөг	... төгрөг	... төгрөг	... төгрөг	... төгрөг



Г.Барьцаалах хөрөнгийн мэдээлэл

Барьцаанд тавих хөрөнгийн					Тэмдэглэл
Нэр төрөл	үнэлгээ	Байршил, хаяг	Эзэмшигчийн нэр, хаяг	Даатгалын гэрээний огноо, дугаар	

Д. Хавсаргасан бичиг баримтын жагсаалт

1.
2.

Хүсэлт гаргасан:

Дарга /Захирал/: /

Ерөнхий /ахлах/ нягтлан бодогч: /

Татварын итгэмжлэгдсэн зөвлөх:/

Татварын албаны тэмдэглэл

Хүсэлтийг хүлээж авсан			Тэмдэглэл
Татварын албаны нэр	Албан тушаалтны овог, нэр	огноо	

